

2 / 15 ноября 2020 года.

## Неделя 23-я по Пятидесятнице. Глас 6.

Мучеников Акиндина, Пигасия, Аффония,  
Елпидифора и Анемподиста

### Чин Вечерни.

Для домашнего (келейного) чтения

### Час Девятый.

Молитвами святых отец наших, Господи Иисусе Христе, Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас.  
*(Трижды.)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, *(трижды)*.

Слава Отцу и Сыну и Святому Духу, и ныне и присно и во веки веков. Аминь.

**О**тче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Г**осподи, помилуй, (12)

**С**лава Отцу и Сыну и Святому Духу, и ныне и присно и во веки веков. Аминь.

**П**риидите, поклонимся Цареву нашему Богу.

**П**риидите, поклонимся и припадём Христу, Цареву нашему Богу.

**П**риидите, поклонимся и припадём Самому Христу, Цареву и Богу нашему.

### **Псалом 83:**

**К**оль возлюбленна селения Твоя, Господи сил! Желает и скончается душа моя во дворы Господни, сердце мое и плоть моя возрадовастся о Боже живее. Ибо птица обрете себе храмину, и горлица гнездо себе, идеже положит птенцы своя, олтарь Твоя, Господи сил, Царю мой и Боже мой. Блажени живущии в дому Твоем, в веки веков восхвалят Тя. Блажен муж, емуже есть заступление его у Тебе; восхождения в сердце своем положи, во юдоль плачевную, в место еже положи, ибо благословение даст законополагаяй. Пойдут от силы в силу: явится Бог богов в Сионе. Господи Боже сил, услыши молитву мою, внуши, Боже Иаковль. Защитниче наш, виждь, Боже, и призри на лице христа Твоего. Яко лучше день един во дворах Твоих паче тысяч: изблжих приметатися в дому Бога моего паче, неже жити ми в селениих грешничих. Яко милость и истину любит Господь, Бог благодать и славу даст, Господь не лишит благих ходящих незлобием. Господи Боже сил, Блажен человек уповаяй на Тя.

### **Псалом 84:**

**Б**лаговолил еси, Господи, землю Твою, возвратил еси плен Иаковль: оставил еси беззакония людей Твоих, покрыл еси вся грехи их. Укротил еси весь гнев Твой, возвратился еси от гнева ярости Твоея. Возврати нас, Боже спасений наших, и отврати ярость Твою от нас. Еда во веки прогневаешия на ны? Или простреси гнев Твой от рода в род? Боже, Ты обращаешься оживиши ны, и людие Твой возвеселятся о Тебе. Яви нам, Господи, милость Твою, и спасение Твое даждь нам.

Услышу, что речёт о мне Господь Бог: яко речёт мир на люди Своя, и на преподобныя Своя, и на обращающыя сердца к Немю. Обаче близ боящихся Его спасение Его, вселити славу в землю нашу. Милость и истина сретостеся, правда и мир облобызастеся. Истина от земли возсия, и правда с Небес приниче, ибо Господь даст благодать, и земля наша даст плод свой. Правда пред Ним предидет, и положит в путь стопы своя.

### Псалом 85:

**Приклони**, Господи, ухо Твое, и услыши мя, яко нищ и убог есмь аз. Сохрани душу мою, яко преподобен есмь: спаси раба Твоего, Боже мой, уповающаго на Тя. Помилуй мя, Господи, яко к Тебе воззову весь день. Возвесели душу раба Твоего, яко к Тебе взях душу мою. Яко Ты, Господи, Благ и Кроток, и Многомилостив всем призывающим Тя. Внуши, Господи, молитву мою, и вонми гласу моления моего. В день скорби моея возвах к Тебе, яко услышал мя еси. Несть подобен Тебе в бозех, Господи, и несть по делом Твоим. Все языцы, елики сотворил еси, приидут и поклонятся пред Тобою, Господи, и прославят имя Твое, яко Великий еси Ты, и твориши чудеса, Ты еси Бог един. Настави мя, Господи, на путь Твой, и пойду во истине Твоей; да возвеселится сердце мое боятися имени Твоего. Исповемся Тебе, Господи Боже мой, всем сердцем моим, и прославлю имя Твое в век: яко милость Твоя велика на мне, и избавил еси душу мою от ада преисподнейшаго. Боже, законопреступницы восташа на мя, и сонм державных взыскаша душу мою, и не предложиша Тебе пред собою. И Ты, Господи Боже мой, Щедрый и Милостивый, Долготерпеливый, и Многомилостивый и истинный, призри на мя и помилуй мя, даждь державу Твою отроку Твоему, и спаси сына рабы Твоея. Сотвори со мною знамение во благо, и да видят ненавидящии мя, и постыдятся, яко Ты, Господи, помог ми и утешил мя еси.

**Сотвори** со мною знамение во благо, и да видят ненавидящии мя, и постыдятся, яко Ты, Господи, помог ми и утешил мя еси.

**Слава** Отцу и Сыну и Святому Духу, и ныне и присно и во веки веков. Аминь.

**Аллилуиа**, аллилуиа, аллилуиа, слава Тебе Боже. *Трижды.*

**Господи**, помилуй, *трижды.*

**Слава** Отцу и Сыну и Святому Духу.

**Тропарь Бессребреников, глас 8:**

**Святии безсребреницы и чудотворцы, Космо и Дамиане, / посетите немощи наша: // туне приясте, туне дадите нам.**

**И** ныне и присно и во веки веков. **Аминь.**

**Богородичен:**

**И**же нас ради рождёйся от Девы / и распятие претерпёв, Благий, / испровергий смертью смерть и воскресение явлей яко Бог, / не презри, яже создал еси рукою Твоею. / Яви человеколюбие Твое, Милостиве. / Приими рождшую Тя Богородицу, молящуюся за ны. / И спаси, Спасе наш, люди отчаянныя.

**Не** предаждь нас до конца Имене Твоего ради, / и не разори завета Твоего, / и не остави милости Твоея от нас / Авраама ради, возлюбленного от Тебе, / и за Исаака, раба Твоего, / и Израиля, святого Твоего.

**Святый** Боже, **Святый** Крепкий, **Святый** Безсмертный, помилуй нас. *(Трижды.)*

**Слава** Отцу и Сыну и Святому Духу, и ныне и присно и во веки веков. **Аминь.**

**Пресвятая** Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

**Господи**, помилуй, *(трижды)*.

**Слава** Отцу и Сыну и Святому Духу, и ныне и присно и во веки веков. **Аминь.**

**Отче** наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Кондак Бессребреников, глас 2:**

**Благодать** приемше исцелений, / простираете здравие сущим в нуждах, / врачеве, чудотворцы преславнии : / но вашим посещением ратников дерзости низложите, // мир исцеляюще чудесы.

**Г**осподи, помилуй, *(40)*.

**И**же на всякое время и на всякий час, на Небеси и на земли, покланяемый и славимый, Христэ Бже, Долготерпеливе, Многомилостиве, Многоблагодарне, Ижеправедныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы, достигнем в соединение веры и в разум непреступныя Твоея славы, яко благословен еси во веки веков, аминь.

**Г**осподи помилуй, *трижды*. Слава, и ныне:

**Ч**естнейшую Херувим / и славнейшую без сравнения Серафим, / без исления Бога Слова рождшую, / сущую Богородицу, Тя величаем.

**М**олитвами святых отец наших, Господи, Иисусе Христэ, Бже наш, помилуй нас. Аминь.

#### **Молитва Василия Великого:**

**В**ладыко Господи, Иисусе Христэ, Бже наш, долготерпевый о наших согрешениях и даже до нынешняго часа приведый нас, вонже, на Животворящем Древе вися, благоразумному разбойнику иже в рай путесотворил еси вход и смерть разрушил еси: очисти нас, грешных и недостойных раб Твоих, согрешихом бо и беззаконновахом и несмы достойни возвести очеса наша и возрети на высоту Небесную, зане оставихом путь правды Твоея и ходихом в волях сердец наших. Но молим Твою безмерную благодать: пощадь нас, Господи, по множеству милости Твоея, и спаси нас Имене Твоего ради святого, яко исчезоша в суете дни наши, измени нас из руки сопротивнаго, и остави нам грехи наша, и умертви плотское наше мудрование, да, ветхаго отложивше человека, в новаго облечемся и Тебе проживем, нашему Владыце и Благодетелю. И тако, Твоим последующе повелением, в вечный покой достигнем, идеже есть всех веселящихся жилище. Ты бо еси воистинну истинное веселие и радость любящих Тя, Христэ Бже наш, и Тебе славу возсылаем со Безначальным Твоим Отцем, и Пресвятым, и Благим, и Животворящим Твоим Духом, ныне, и присно, и во веки веков, аминь.

## Вечерня.

**Приидите, поклонимся Цареву нашему Богу.**

**Приидите, поклонимся и припадём Христу, Цареву нашему Богу.**

**Приидите, поклонимся и припадём Самому Христу, Цареву и Богу нашему.**

### ПСАЛОМ 103

**Либо поем: Стихи избранныи:**

**Благослови, душе моя, Господа. / Благословен еси, Господи. / Господи, Боже мой, возвеличился еси зело. / Благословен еси, Господи. / Во исповедание и в велелепоту / облелся еси. Благословен еси, Господи. / Посреде гор пройдут воды. / Дивна дела Твоя, Господи. / Вся премудростию сотворил еси. / Слава Ти, Господи, сотворившему вся.**

**Либо читаем: Псалом 103:**

**Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом, яко ризою, простираяй небо, яко кожу. Покрываяй водами превиспенняя Своя, полагаяй облаки на восхождение Своё, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, ебоже не перейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превиспенних Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокие еленем, камень прибежище зайцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити**

и взыскати от Бóга пищу себе. Возсия солнце и собращася и в лóжах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабльи преплавают, змий сей, егóже создал еси ругатися ему. Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполнятся благодати, отвращшу же Тебе лице, возьмутся, отымеши дух их, и исчезнут, и в персть свою возвратятся. Послещи Духа Твоего, и соизждутся, и обновishi лице земли. Буди слава Господня во веки, возвеселится Господь о делех Своих, призираяй на землю, и творяй ю трястися, прикасайся горам, и дымятся. Воспою Господеви в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа.

**Солнце** позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

**Слава** Отцу и Сыну и Святому Духу, и ныне и присно и во веки веков. Аминь.

**Аллилуиа, аллилуиа, аллилуиа, слава Тебе Боже. Трижды.**

**Господи помилуй, 12. Слава, и ныне:**

**Первая кафисма**

**Либо поем: Стихи избранныи:**

**Блажен** муж, иже не иде на совет нечестивых. **Аллилуиа, трижды.**

**Яко** весть Господь путь праведных, и путь нечестивых погибнет.

**Аллилуиа, трижды.**

**Работайте** Господеви со страхом и радуйтеся Ему с трепетом.

**Аллилуиа, трижды.**

**Блажени** вси надеющиеся Нань. **Аллилуиа, трижды.**

**Воскресни,** Господи, спаси мя, Боже мой. **Аллилуиа, трижды.**

**Господне** есть спасение, и на людех Твоих благословение Твое.

**Аллилуиа, трижды.**

**Слава, и ныне: Аллилуиа, аллилуиа, аллилуиа, слава Тебе, Боже. Трижды.**



**Г**осподи помилуй, **3. Слава**, и ныне:

**Либо читаем: кафисму 1-ю (1-ю статью)**

**Псалом 1:**

**Б**лажен муж, иже не иде на совет нечестивых. Аллилуиа, трижды. И на пути грешных не ста, и на сядалищи губителей не седе, но в законе Господни воля его, и в законе Его поучится день и ночь. И будет яко древо насажденное при исходящих вод, еже плод свой даст во время свое, и лист его не отпадет, и вся, елика аще творит, успеет. Не тако нечестивии, не тако, но яко прах, егоже возметает ветр от лица земли. Сего ради не воскреснут нечестивии на суд, ниже грешницы в совет праведных. Яко весть Господь путь праведных, и путь нечестивых погибнет.

**Псалом 2:**

**В**скую шаташася языцы, и людие поучишася тщетным? Предсташа царие земстии, и князи собрашася вкупе на Господа и на Христа Его. Расторгнем узы их и отвержем от нас иго их. Живый на Небесех посмеется им, и Господь поругается им. Тогда возглаголет к ним гневом своим и яростию Своею смятет я. Аз же поставлен есмь Царь от Него над Сионом, горою святою Его, возвещая повеление Господне. Господь рече ко Мне: Сын Мой еси Ты, Аз днесь родих Тя. Проси от Мене, и дам Ти языки достойные Твое, и одержание Твое концы земли. Упасеши я жезлом железным, яко сосуды скудельничии сокрушиши я. И ныне, царие, разумейте, накажитесь вси судящии земли. Работайте Господеви со страхом и радуйтеся Ему с трепетом. Аллилуиа, трижды. Примите наказание, да не когда прогневается Господь и погибнете от пути праведнаго, егда возгорится вскоре ярость Его. Блажени вси надеющиися Нань.

**Псалом 3:**

**Г**осподи, что ся умножиша стужающии ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востях, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой. Аллилуиа, трижды. Яко Ты порази еси вся враждующия ми все: зубы грешников сокрушил еси. Господне есть спасение, и на людех Твоих благословение Твое.



**Слава** Отцу и Сыну и Святому Духу, и ныне и присно и во веки веков. Аминь.

**Аллилуиа, аллилуиа, аллилуиа, слава Тебе Боже. (Трижды).**

**Господи помилуй, 3. Слава, и ныне:**

**Господи, возвах, глас 6:**

**Господи, возвах к Тебе, услыши мя. / Услыши мя, Господи. Господи, возвах к Тебе, услыши мя: / вонми гласу моления моего, / внегда возвати ми к Тебе. / Услыши мя, Господи.**

**Да исправится молитва моя, / яко кадило пред Тобою, / воздеяние руку мою / – жертва вечерняя. / Услыши мя, Господи.**

*(в приходской практике пропускается до стихир)*

**Положи, Господи, хранение устам моим, и дверь ограждения о устнах моих. Не уклони сердце мое в словеса лукавствия, нещевати вини о гресех, с человеки делующими беззаконие, и не сочтуса со избранными их. Накажет мя праведник милостию и обличит мя, елей же грешного да не намастит главы моея, яко еще и молитва моя во благоволениях их. Пожертвы быша при камени судий их: услышатся глаголи мои, яко возмогша. Яко толща земли проседеса на земли, расточишася кости их при аде. Яко к Тебе, Господи, Господи, очи мои: на Тя уповах, не отыми душу мою. Сохрани мя от сети, юже составиша ми, и от соблазн делующих беззаконие. Падут во мрежу свою грешницы: един есмь аз, дондеже преиду.**

**Гласом моим ко Господу возвах, гласом моим ко Господу помолихся. Пролию пред Ним моление мое, печаль мою пред Ним возвещу. Внегда исчезати от мене духу моему: и Ты познал еси стези моя: на пути сем, по немуже хождах, скрыша сеть мне. Смотрях одесную и взглядах, и не бе знаяй мене: погибе бегство от мене, и несть взыскайя душу мою. Возвах к Тебе, Господи, рех: Ты еси упование мое, часть моя еси на земли живых. Вонми молению моему, яко смирихся зело, избави мя от гонящих мя, яко укрепишася паче мене.**

**Стихиры воскресные, глас 6**

**Стих: Изведи из темницы душу мою, // исповедатися имени Твоему.**

**Победу имея, Христэ, юже на ада, / на Крест возшел еси: / да во тьме смерти седящия воскресиши с Собою, / Иже в мертвых Свободь, / Источаяй живот от Своего света, // Всесильне Спасе, помилуй нас.**

**Стих:** Менé ждут прáведницы, // дóндеже воздáси мне.

**Д**несь Христóс смерть попрáв, / я́коже речé, воскресе, / и рáдование миру даровá, / да вси взывáюще, песнь тáко рцем: / Истóчнице жízни, Непристúпный Свéте, // Всесíльне Спáсе, помíлуй нас.

**Стих:** Из глубинý воззва́х к Тебé, Гóсподи, // Гóсподи, услýши глас мой.

**Т**ебé, Гóсподи, Сýщаго по всей твáри, / грéшнии кáмо беж́им; / на Небесí Сам живéши, / во áде попрáл ес́и смерть. / Во глубинý морсќия; / тáмо рукá Твоя́, Влады́ко. / К Тебé прибега́ем, / Тебé припада́юще мо́лимся: // Воскрес́ий из мёртвых, помíлуй нас.

**Стих:** Да б́удут úши Твоя́ // внемлюще гласу молéния моего́.

**К**рестóм Тво́им, Христé, хва́лимся, / и воскресéние Твоé поём и сла́вим: / Ты бо ес́и Бог наш, // рáзве Тебé инáго не véмы.

**Стих:** А́ще беззакóния нáзриши, Гóсподи, Гóсподи, кто посто́ит? // Я́ко у Тебé очищéние е́сть.

**В**ы́ну благословя́ще Гóспода, / поём воскресéние Егó: / Крест бо Претерпéв, // смёртию смерть погуб́и.

**Стих:** И́мене рáди Твоегó потерпéх Тя, Гóсподи, потерпé душá моя в слóво Твоé, // уповá душá моя на Гóспода.

**С**лáва síле Твое́й, Гóсподи, / я́ко упраздн́ил ес́и держáву имýщаго смёрти: / обнов́ил ес́и нас Крестóм Тво́им, // дáруя нам живóт и нетлéние.

**Стих:** От стра́жи úтренния до но́щи, от стра́жи úтренния, // да упова́ет Изра́иль на Гóспода.

**П**огребéние Твоé, Гóсподи, / úзы áдовы сокруш́ившее растерзá, / éже из мёртвых воскресéнием мир просвет́и, // Гóсподи сла́ва Тебé.

**Стихи́ры мýчеников, глас 4, подóбен: «Я́ко дóбля...»:**

**Стих:** Я́ко у Гóспода м́лость, и мнóгое у Негó избавлéние, // и Той избáвит Изра́иля от всех беззакóний егó.

**П**яточ́исленное сочétание мýчеников воспóйм, / мýдраго Акинд́ина, Пигáсия, Елпидифóра, / Аффо́ния и Анемпод́иста, / дóбля страдáльцы и тéплыя защ́итники, / точáция

**невозбранную благодать/ и надежду независтну// безбедно  
благочестивым подающия.**

*Стих:* **Х**валите Господа вси языцы,// похвалите Его вси людие.

**Ни** глад, ниже беда,/ ни жизнь, ниже смерть,/ ни конобов<sup>1</sup>  
врения<sup>2</sup>, ни земныя пропасти,/ ниже зверей уста/ разлучити  
возмогша от любве Христовы/ ваша терпеливомудрыя  
доблести,/ к Немю бо непрестанно взирающе/ и Того единого  
желающе,// враждующия победите.

*Стих:* **Я**ко утвердися милость Его на нас,// и истина Господня  
пробывает во век.

**С**ладости насыщающиеся, и света исполняеми,/ и жизнь вечную  
наследовавшие,/ к вам прибегающия от бед избавите,/ и уз и  
темницы/ на месте озлобления, Богомудрии,/ к Богу дерзновение  
имущие/ и милосердие являюще,// яко истинно  
Хриstopодражатели.

**Стихира мучеников, глас 6:**

**С**лава Отцу и Сыну и Святому Духу.

**Д**несь пятозарный мучеников лик,/ яко светоносных звезд  
схождение/ верныя просвещающе,/ к таинственному веселию  
призва./ Днесь иже разумнаго Солнца служителие/ и персских  
потребителие преданий,/ чувственное солнце чествовавшия/ и  
покланяющиеся огню,/ руководствоваша ко благочестию./  
Почерпше же обильне стратотерпческую их чашу,/ и Христа ради  
излившимися кровью венчашася,/ нас призывающе,/  
благочестия рачители, приидите, глаголюще,/ подвиги нашими  
учредитесь/ и венцы, и чести зрите:/ претерпевый бо до конца,  
той спасется,/ Христос Истина изрече:/ да общницы будете  
венцев наших// и молитвенники ны ко Господу имате.

**Богородичен Догматик, глас 6:**

**И** ныне и присно и во веки веков. Аминь.

**К**то Тебе не ублажит, Пресвятая Дево;/ кто ли не воспоет Твоего  
Пречистаго Рождества;/ безлетно бо от Отца Возсиявый Сын

---

<sup>1</sup> *Коноб* - котёл.

<sup>2</sup> *Врение* - кипяток, кипение.

**Единорóдный,/ Тóйже от Тебé, Чíстыя, прóйде,/ неизречéнно  
воплóщся,/ естеством Бог сый,/ и естеством быв Человéк нас  
ради,/ не во двою лицу Разделяемый,/ но во Двою Естеству  
неслитно Познаваемый./ Тогó моли, Чíстая, Всеблаженная,//  
помыловатися душám нашим.**

**Творение Софрония, патриарха Иерусалимского:**

**Свéте тíхий святýя славы, / Безсмéртнаго, Отца Небéснаго, / Святаго  
Блаженнаго, Иисúсе Христé. / Пришédше на запад сóлнца, / вíдевшe  
свет вечерний, / поём Отца, Сына и Святаго Дúха, Бóга. / Достóин еси  
во вся времена / пёт бýти гласы преподóбными, / Сыне Бóжий, живóт  
дай, / тэмже мир Тя славит.**

**Прокíмен воскресный:**

**Прокíмен, глас 6-й: Госпóдь воцарíся, в лéпоту облечéся.**

**Стих:** **Облечéся Госпóдь в сíлу, и препоясая.**

**Госпóдь воцарíся, в лéпоту облечéся.**

**Стих:** **Ибо утверди вселéнную, яже не подвижится.**

**Госпóдь воцарíся, в лéпоту облечéся.**

**Стих:** **Дóму Твоему подобáет святýня, Гóсподи, в долготу дний.**

**Госпóдь воцарíся, в лéпоту облечéся.**

**Госпóдь воцарíся.**

**В лéпоту облечéся.**

**Гóсподи помíлуй, 40. Слава, и ныне:**

**И молитву**

**Сподóби, Гóсподи, в вéчер сей без грехá сохранíтися нам. /  
Благословén еси, Гóсподи Бóже отец наших, / и хвáльно и прослáвлено  
имя Твое во вéки, амíнь. / Буди, Гóсподи, мíлость Твоя на нас, якоже  
упова́хом на Тя. / Благословén еси, Гóсподи, научи́ мя оправданием  
Твоим. / Благословén еси, Влады́ко, вразуми́ мя оправданием Твоим. /  
Благословén еси, Святый, просвети́ мя оправданием Твоими. / Гóсподи,  
мíлость Твоя во век, дел руку́ Твоею не прéзри. / Тебé подобáет хвалá.  
Тебé подобáет пение, / Тебé слава подобáет, Отцу́ и Сыну́ и Свято́му  
Дúху, / ныне и прíсно и во вéки веко́в. Амíнь.**

**Гóсподи помíлуй, 12. Слава, и ныне:**

**Стихиры на стиховне:**

**Стихиры воскресные, глас 6:**

**Воскресение Твое, Христэ Спасе,/ Ангели поют на Небесех,/ и нас на земли сподоби,/ чистым сердцем// Тебе славити.**

*Стих:* **Г**осподь воцарися,/ в лепоту облечеса.

**Врата сокрушив медная,/ и вереи адовы сотрый,/ яко Бог всесилен,/ род человеческий падший воскресил еси./ Сего ради и мы согласно вопием:// Воскресый из мертвых, Господи, слава Тебе.**

*Стих:* **И**бо утверди вселенную,/ яже не подвижется.

**Тления нас древняго Христос исправити хотя,/ на Кресте пригвождается,/ и во гробе полагается./ Егоже мирнобсицы жены со слезами искаху, плачуща глаголаху:/ увы нам, Спасе всех,/ како изболит еси во гробе вселитися;/ Вселивыйся же хотя, како украден был еси;/ како преложился еси;/ кое же место Твое Живоносное сокры Тело;/ но, Владыко, яко обещался еси нам явися,/ и утоли от нас рыдание слез./ Плачущимся же им, Ангел к ним возопи:/ от плача преставша Апостолом рците, яко воскресе Господь,// миру даруя очищение и велию милость.**

*Стих:* **Д**ому Твоему подобает святыня,/ Господи, в долготу дней.

**Распныйся яко восхотел еси, Христэ,/ и смерть погребением Твоим Пленивый,/ тридневен воскресл еси, яко Бог, со славою,/ миру даруя безконечную жизнь,// и велию милость.**

**Стихира мучеников, глас 2, самогласен:**

**С**лава Отцу и Сыну и Святому Духу.

**Приидите, возрадуемся Господу/ в памяти днесь страстотерпцев, о празднолюбцы!/ Приидите, восхвалим их, тайно похваляюще:/ радуйся, Акинди́не; радуйся, Пига́сие;/ радуйся, Анемподи́сте; радуйся, Елпидифо́ре;/ радуйся, Аффо́ние,/ иже лестви́цу идо́льскую в пропасть погрузи́вше/ и Христа́ Го́спода посреде́ тризница́ ясно проповеда́вше./ Тем, всеблаже́ннии и многострада́льнии,// непреста́нно моли́тесь о душа́х наших.**

**Богородичен, глас 2:**

**И** ныне и присно и во веки веков. Аминь.

**О** чудесе новаго всех древних чудес!/ Кто бо позна мать без мужа рождшую,/ и на руку носящую,/ всю тварь Содержащаго?/

**Божие есть изволение, Рóждшееся./ Егóже яко Младénца, Пречíстая,/ Тво́йма рука́ма носíвшая,/ и Ма́терне дерзнове́ние к Немú имúщая,/ не преста́й моля́щи о чту́щих Тя, // ущéдрити и спасти́ дúши на́ша.**

**Молитва святого Симеона Богоприимца:**

**Нýне отпуща́еши раба́ Твоегó, Влады́ко, / по глаго́лу Твоемú с мíром: / яко вíдеста óчи мой спасéние Твоé, / éже еси́ уготóвал пред лицéм всех людéй, / свет во откровéние язы́ков, / и сла́ву людéй Тво́их Изра́иля.**

**Святы́й Бóже, Святы́й Кре́пкий, Святы́й Безсме́ртный, помíлуй нас. (Трижды.)**

**Сла́ва Отцú и Сы́ну и Свято́му Дúху, и ны́не и прíсно и во ве́ки веко́в. Амíнь.**

**Пресвята́я Трóице, помíлуй нас; Гóсподи, очíсти грехí на́ша; Влады́ко, прости́ беззакóния на́ша; Святы́й, посети́ и исцели́ нéмощи на́ша, íмене Твоегó ра́ди.**

**Гóсподи, помíлуй, (трижды).**

**Сла́ва Отцú и Сы́ну и Свято́му Дúху, и ны́не и прíсно и во ве́ки веко́в. Амíнь.**

**Óтче наш, Ёже еси́ на Небесéх, да святíтся íмя Твоé, да прíдет Цáрствие Твоé, да бúдет во́ля Твоя́, яко на Небесí и на землí. Хлеб наш насущный да́ждь нам днесь; и оста́ви нам до́лги на́ша, якоже и мы оста́вляем должникóм на́шим; и не введí нас во искуше́ние, но избáви нас от лука́ваго.**

**Тропа́рь воскрéсный, глас 6:**

**А́нгельския Сíлы на грóбе Твоём,/ и стрегу́щи омертвёша;/ и стоя́ше Ма́рiя во грóбе,/ и́щущи Пречíстаго Тéла Твоегó./ Пленíл еси́ ад, не искусíвся от него́;/ срéтил еси́ Дéву, да́руяй живóт.// Воскресы́й из ме́ртвых, Гóсподи, сла́ва Тебе́.**

**Сла́ва Отцú и Сы́ну и Свято́му Дúху.**

**Тропа́рь мучеников, глас 2:**

**Страстотéрпцы Господни,/ блаже́нна земля, напíвшаяся кровью́и ва́шими,/ и свята́ селéния,/ прíймшая телеса́ ва́ша:/ в трíзнице бо врага́ победíсте/ и Христá со дерзнове́нием проповéдасте:/ Тогó яко блага́ моли́те // спасти́ся, мо́лимся, душáм на́шим.**

**И** ныне и присно и во веки веков. Аминь.

**Богородичен Воскресный, глас 2:**

**В**ся паче смысла,/ вся преславная Твоя, Богородице, таинства,/ чистоте запечатанной и девству храниму,/ Мати позналася еси неложна,/ Бога рождши Истиннаго;// Того моли спастися душам нашим.

**Б**уди Имя Господне благословено от ныне и до века. *Трижды.*

**Псалом 33:**

**Б**лагословлю Господа на всякое время, вину хвалю Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною и вознесем имя Его вкупе. Взысках Господа и услыша мя, и от всех скорбей моих избави мя. Приступите к Немю и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповает на Него. Бойтесь Господа, вси святии Его, яко несть лишения боящимся Его. Богатии обнищаша и взалкаша, взыскающие же Господа не лишатся всякаго блага.

**Д**осто́йно есть яко воистинну блажити Тя, Богородицу, / Присноблаженную и Пренепорочную и Матерь Бога нашего. Честнейшую Херувим / и славнейшую без сравнения Серафим, / без исления Бога Слова рождшую, / сущую Богородицу, Тя величаем.

**С**лава, и ныне, **Г**осподи, помилуй, *трижды.*

**Г**осподи Иисусе Христе, Сыне Божий, молитвами Пречистыя Твоея Матере, преподобных и богоносных отец наших и всех святых помилуй и спаси нас, яко Благ и Человеколюбец. Аминь

**КОНЕЦ И БОГУ СЛАВА.**